

明·朱國禎撰

明崇禎間原刊本

皇明史概
(二)

文藻出版社

有限公司
印行

皇明大政記卷之九

臣朱國禎謹輯

永樂八年庚寅正月 征南兵大捷 召陳懋隨徑

免濟寧至京糧稅差役一年 俘簡定等至京伏誅

尚書郭資隨軍餽運 丁酉二月戊戌朔命 皇

長孫留守北京夏原吉等輔之 勅黔國公沐晟等

會討交趾餘寇 辛丑親征詔天下 命趙王高燧

整理北京城池兵馬 宥廣德知州楊翰 公事被逮者先救保

皇太子赦之復職 丁未 上發北京 庚戌 駕度居庸

關五色雲見 壬戌 蹕興和城 大同總兵吳高

操練各處人馬 甲子閱武營外英公張輔至自交趾入見命提督宣府等處操練 清遠侯王友武安侯鄭亨督餽運 三月丁卯朔分布五軍哨掖諸將軍 涼州降虜復叛 監國命費璵討之劉觀贊軍務 浙江江西湖廣運糧二百十萬石赴北京備糧俸 乙亥大閱誓師 丙子 駕次凌霄峰乏水夜大雪足用 開四川南部內江鹽井 庚辰勅供具減半 壬午次五雲關野燒迫近風發分二道繞營而去 甲午次錦雲磧諜虜儼備 丙申次清水源平地甘水躍出賜名神應泉 四月交趾掌司事尚

書黃福上五事 皇太子皆從之 庚子行營兵器

皆有火光 癸卯次玄石坡勒銘 節婦五人 戊

申次楊林戌以深入虜地免諸將朝 壬子次禽胡

山甲寅次廣武鎮皆勒銘 前北京刑部侍郎馬京

死于獄

漢王所譜

壬戌次玄雲谷 命史昭鎮涼州

費璣平賊班師 甲子次長清塞賜其泉名玉華

五月丁卯朔 駕發順安鎮賜臚胸河名曰飲馬河

營平漠鎮 庚午 駕至蒼山峽獲虜譯五人 田

戌次環翠阜本雅失里西奔命諸將悉渡飲馬河追

之 乙亥命清遠侯王友廣恩伯劉才守營

策殺切城駐劄

上率精銳循河西北行 丙子 駕發聞喜岡諸將以

次前進 戊寅 駕至兀吉兒札賜名清塵河虜牛

遁倍道追之 黔公沐晟與賊戰不利 己卯 駕

至幹難河及虜擊敗之本雅失里以七騎渡河遁命

劉江梁福等追之 上次滅胡山壬午還次五雲峰

賜幹難名玄冥河 班師詔天下 戒將士毋得殺

掠違者斬 勅成安侯郭亮餽赴意昌 王友劉才

以所領將士先赴開平 吳中章安餽赴禽胡山遂

征阿魯台 肅州寄居回回叛殺指揮三人據城指

揮盧本千戶朱廸討平之本亦戰死 壬辰 駕至

定邊鎮祭丘福戰亡將士陷虜者悉得脫歸 甲午

給事中陶瑋以私怨誣匠役 皇太子下之獄 六

月八日癸卯急追阿魯台及之明日戰大捷阿魯台

墮馬走免盡降其衆旋師次駐蹕峰少水大雷雨得

濟益進兵至長秀川收其牛羊雜畜亘百餘里 丁

未追之回回津又大破之斬其名王數百十人 已

酉至廣漠鎮殲其餘衆獲叛人悉斬之捷書報 皇

太子 湖廣蠻寨悉降 勅張輔郭亮餽赴軍前病

卒悉昇載赴營 庚申 駕至永安戍王友劉才紆

道相失軍士多餓死 上怒切責命張輔收友等制

諭統其衆仍卹其病餒者 皇長孫趙王及文武羣

臣迎鑾表至 七月二日丁卯 駕次開平 上在

軍中皆素食至是頒賜所獲牛羊給食始復常膳

西寧侯宋琥鎮甘肅 戊辰楊榮賫書諭 皇太子

十七日壬午抵北京 改開平李陵驛爲威虜驛

皇太子遣尚書金忠進迎鑾表及袍服下令與將士人

關同易 庚辰 駕至龍虎臺羣臣奉迎 壬午

駕還京師御殿朝賀 築開平衛城 甲午敘隨征

功陞賞有差 八月乙未朔安遠伯柳升進侯 寧

遠侯何福有罪自殺追削封爵 賜從征文官鈔幣

學士侍講賜同尚書 開封府霽雨河溢遣使撫賑

九月五日己巳幸天壽山諭督工武義伯王通存

恤工匠 十月四日丁酉 駕發北京 輯務本之

訓成賜 皇長孫 周王于國內請祀 高皇帝諭

止之 丁巳 駕次臨清從行賢妃權氏薨 十一

月甲戌 駕還京師 下都督梁銘于獄 侍皇太子擅用有

過衛士入直爲 涼州韃靼千戶虎保赤叛出塞悔

罪求歸悉赦之 十二月 河患諭修汴梁城 楚

王楨周王橐寧世子磐斌來朝 孔彥縉襲封衍聖

公 隆平侯張信有罪下三司雜治 貪肆占丹陽練湖及江陰官田

被劾 交趾賊首陳季擴請降許之授以官 革城門

郎 凡風憲官不得用吏 舊有吏爲御史者皆罷 御

永樂九年辛卯正月壬戌朔 柳升鎮寧夏 英公張

輔再佩印會兵征交趾 乙酉建 孝陵門 如大祀壇南天

門之制 允楊榮奔喪 中官護送促其速來 丙戌李彬陳瑄再

往浙江福建勦倭 二月壬辰朔戒勵秦王尚炳械

長史等官入京師 傲慢不接詔書 增北京國子監學官如

南京例 六科查奏牘批發失當者通奏改正

辛亥左都御史陳瑛有罪下獄 尋死籍沒 甲寅秦王來

朝謝罪 倭掠廣東陷昌化千戶所殺其守將勅副

總兵李珪戴罪自贖

已未工部尚書宋禮開濟寧

惠通河

濟寧同知潘叔正請之

三月辛酉朔策試七年貢士

陳璣等八十四人賜蕭時中苗衷黃暘以下及第出

身有差

忠順王脫脫卒賜祭勅哈刺哈納鎮守陞

爲都督僉事

出解縉爲廣西叅議尋改交趾 選

楊慈等十一人爲庶吉士

賊入遼東殺掠鎮守都

督劉江論死尋宥之

免温州輸礬

俱染色者上以勞民免之定

布衣無染

宋禮兼浚黃河故道

劉江仍鎮遼東

四

月辛卯朔陞琉球長史程復爲琉球國相兼左長史

致仕還饒州

原州人

徙交趾鎮夷關於松嶺高爽之

地 詔諸王來朝長幼以次而至 五月辛酉朔

進士王彥自陳與奸惡外親有連俱被籍沒乞就繫

上并其家赦之 六月庚寅朔 御史周宗範給事中

謝垣坐斬

私易奏章爲右副都虞謙所發

旌監生張翼孝行 乙

丑太監鄭和還自西洋俘錫蘭山國王以獻釋之尋

立支屬爲王遣歸 楊榮還京 節孝八人 乙卯

通惠河工成 交趾叅議解縉徵下獄及其友大理

丞湯宗宗人經歷高得賜郎中李至剛中允李貫編

修王汝玉朱絃檢討蔣驥潘畿蕭引高等 七月庚

子朔陝西疫 浙西大水 滿刺加國王率妻子陪

臣入朝禮之如淳泥 丙子英公等大破賊黨 乙

酉浚復黃河故道成 陝西糧祿足支十年令以後

半輪折鈔 寧夏總兵官勦叛虜破之 八月庚寅

朔石康縣典史陰鎰言事從之 九月己未朔蹇義

夏原吉俱滿九載復職褒諭 下禮部尚書趙玠于

獄 温州颶風暴雨 癸酉滿剌加國王辭歸賜勅

宴送之 凡告建文時言語于犯者皆勿聽 十月

己丑朔寬北京遷謫軍民賦役 重囚四覆進定儼

方決 乙巳重修 高皇實錄 以李景隆監修逼促未備也 十

一月戊午朔英公張輔追陳季擴大破之 丁卯立

皇太孫冠于華蓋殿

韓觀鎮守交趾

戒諭鎮撫武

勦

高皇后戚屬恣橫

十二月

切責左僉都劉翥

朝後不往侍

皇太子

三衛侵略諭納馬贖罪

閏十二月三日巳

未吏部尚書蹇義同六部尚書上十事下所司速行

給事中傅安等送西番使臣勅諭頒賞

永樂十年壬辰正月丙戌朔封吳允誠恭順伯

朝覲

官完勘合者止八十員賜鈔餘姑宥皆復職

庚子

元宵節賜宴觀鰲山三日夏原吉侍母來觀

上聞

賜鈔二百錠

柳升獻叛賊察罕反誅之

禁擅差

守令

勅都督費義尚書宋禮由新河運糧北京燕

修築河隄其海運仍舊 免越訴及誣告者罪徙于

良鄉永平等處耕種 二月丙辰朔給各尚書春坊

翰林官及姚廣孝誥命封贈 免山西河南永樂八

年以前逋租 置河間衛 定會試取士無過百人

庚辰遠王植有罪削其護衛 三月乙酉朔策貢

士林誌等一百六人賜馬騏林誌王鈺以下及第出

身有差 豐城侯李彬討甘肅叛寇 壬辰鑄征蠻

將軍印 選蔣禮等十七人爲庶吉士 定州馬產

駒有肉角類麟 甲寅陞順天府官正三品以知府

張貫爲府尹如應天 四月乙卯朔 命宋禮治衛

河 肅州回回殺御史陳琦都指揮陳秉謙等大略
而去以僉事馬英激變磔死 御史陳孟旭受賊論
絞文獻盜課銀坐斬 五月甲申朔始賜文武臣扇
指揮李嚴逐母不養磔于市 廣西請發銀礦斥
之 丙戌修北京山川壇功臣廟 六月甲寅朔建
武當山宮觀 免湖州役田逋糧十七餘萬石 宋
濂孫以奸黨鄧公智外親當坐宥之 囚犯逮至御
前者錦衣官勿得促起 凡郡縣及朝廷遣官遇民
艱不言者悉逮下獄 幼軍無妻者官爲之配 七
月甲辰朔賜廷臣毳羅錦被 蘆溝河水漲壞橋及

陞下工部修築 選轡輶官教民牧馬 甲午鑄永

樂通寶錢 封耶杞乃那爲錫蘭山國王 令中官

奉使無與有司事 平陽縣獻嘉禾 八月癸丑朔

莫公張輔大破賊于神投海外 命 皇太孫兼習

武事選民間子弟才藝者隨侍 增設各關邊百垣

濠塹 淳泥國王遐旺率母妻來朝遣使至福建宴

勞之 丙寅壽星見丙位 重建天禧寺 甘肅土

達老的罕逃叛捕之 九月癸未朔軍職犯罪者悉

復職 工部主事藺芳請治中灤分道河流從之尋

陞本部右侍郎 平江伯陳瑄于嘉定縣之青浦築